

1. **DRŽAVNA REGULATORNA AGENCIJA ZA RADIJACIJSKU I NUKLEARNU SIGURNOST**, sa sjedištem u ulici Hamdije Čemerlića br. 2., 71000 Sarajevo, ID broj: 4201357350000 (u daljem tekstu Naručilac) koga zastupa i predstavlja Direktor Agencije Emir Dizdarević

i

2. **LOGOSOFT D.O.O** sa sjedištem u Sarajevu u ulici Igmanska br 9., 71000 Sarajevo, kojeg zastupa Direktor: Damir Dizdarević (u daljnjem tekstu: Isporučilac), identifikacijski broj: 4200236190009 PDV broj: 200236190009, transakcijski račun broj: kod 3383202250670154 kod UniCredit banke.

Na osnovu Odluke broj: 04-16-15-951/17 ugovorne strane na dan 28.08.2017. godine **z a k l j u č u j u :**

UGOVOR

O NABAVCI USLUGA STALNOG PRISTUPA INTERNETU

Član 1.

Predmet Ugovora je usluga veze TCP/IP protokolom na internet mrežu. Isporučilac Naručiocu garantuje da će navedena usluga biti isporučena na način i pod uslovima određenim u ovim Ugovorom. Naručilac ima pravo dalje distribucije usluge koja je predmet ovog ugovora.

Član 2.

Isporučilac se obavezuje Naručiocu isporučivati usluge stalne veze na Internet, kapaciteta i putem interfejsa određenih u Tehničkoj specifikaciji Tenderske dokumentacije koja je sastavni dio ugovora.

Isporučilac garantuje da će osigurati Naručiocu u svakom trenutku dostupnim 100 % zakupljenog kapaciteta veze.

Isporučilac se obavezuje pravovremeno proširivati kapacitete veze prema Internetu, kako popunjenost istih nikad ne bi prelazila 75% ukupnog raspoloživog kapaciteta.

Isporučilac nije u obavezi da interveniše na opremi Naručioca koja nije definisana ovim Ugovorom. Isporučilac neće biti odgovoran za smetnje koje eventualno nastanu zbog neispravnosti opreme u vlasništvu Naručioca, te za smetnje nastale zbog radnji ili propuštanja radnji od strane Naručioca ili trećih lica.

Isporučilac se obavezuje da svojim ponašanjem i aktivnostima neće povrijediti tajne podatke, poruke i dokumenta kojima raspolaze Naručilac.

Isporučilac ne odgovara za sigurnost i tačnost podataka i drugih informacija sa Interneta koje su dostupne Naručiocu.

Član 3.

Isporučilac se obavezuje da će uspostaviti Internet vezu, koja je predmet ovog Ugovora, prema Tehničkoj specifikaciji.

Član 4.

Isporučilac se obavezuje da će osigurati jednaku kvalitetu i pouzdanost usluga kakvu osigurava i svojim korisnicima, i drugim ponuđačima Internet usluga, sa kojima ima sklopljen Ugovor o davanju usluga povezivanja na Internet mrežu.

Nadzor nad ispravnošću djelovanja veza i otklanjanje grešaka u njihovom radu obavlja Isporučilac tokom 24 sata, svakodnevno.

Isporučilac će pristupiti otklanjanju grešaka u radu veza odmah po prijemu obavijesti od strane vlastite nadzorne službe, odnosno na zahtjev Naručioca. Isporučilac se obavezuje da će izvesti sve aktivnosti koje su neophodne za otklanjanje greške u najkraćem mogućem vremenu.

Isporučilac ne odgovara za kvalitet usluge u slučaju više sile (elementarne nepogode i sl.), odnosno u slučaju događaja koje nadležni sud priznaje kao višu silu.

Član 5.

Ovim Ugovorom ugovorne strane su se sporazumjele da će Isporučilac tokom cijelog ugovorenog perioda pružati usluge stalnog pristupa internetu u mjesečnom iznosu od 327,60 KM sa PDV-om što na godišnjem nivou iznosi 3.931,20 KM sa PDV-om.

Naručilac se obavezuje da će izmirivati svoje obaveze prema Isporučiocu u iznosima i rokovima određenim ovim ugovorom.

Član 6.

Naručilac se obavezuje da će vezu koja je predmet ovog ugovora upotrebljavati na način koji neće ugrožavati djelovanje internet mreže Isporučioca ili drugih internet mreža, te da će spriječiti djelovanje svojih korisnika koja nisu u skladu sa uobičajenim načinom korištenja usluga.

Član 7.

Oprema ustupljena Naručiocu na korištenje ostaje trajno u vlasništvu Isporučioca i njeno održavanje je u nadležnosti Isporučioca za vrijeme trajanja ugovorenog odnosa.

Naručilac je dužan opremu koju je dobio na korištenje čuvati i koristiti u skladu sa uputama te sa pažnjom dobrog domaćina.

U slučaju prestanka Ugovora Naručilac je dužan Isporučiocu vratiti opremu u ispravnom i funkcionalnom stanju.

Član 8.

Osnov za plaćanje ispručenih usluga jesu fakture/računi koje Isporučilac dostavlja Naručiocu za uredno isporučene usluge. Plaćanje na ime ispručenih usluga Naručilac je dužan vršiti plaćanje putem JRT Bosne i Hercegovine i to na žiro račun Isporučioca broj:

3383202250670154 kod UniCredit banke, i to u roku od 15 dana od datuma ispostavljanja fakture.

Član 9.

Ugovor stupa na snagu danom potpisa obje ugovorene strane. Naplata počinje danom priključenja Naručioca na mrežu Isporučioca, te uspostavom Internet linka. Ugovor se sklapa na period od godinu dana a primjenjuje se od 01.09.2016. godine. Tenderska dokumentacija i Ponuda je sastvni dio ugovora.

Član 10.

Svaka od ugovornih strana može otkazati ovaj ugovor, pismenim putem, uz otkazni rok od 30 (trideset) dana iz razloga propisanih Zakonom o obligacionim odnosima.

Član 11.

Ugovor je sačinjen u 4 (četiri) istovjetnih primjeraka, od kojih svaka ugovorna strana zadržava po 2 (dva) primjerka, za svoje potrebe.

Isporučilac:


Naručilac:

LOGOSOFT DOO



Broj: 072-02-8A117
Datum: 29. 08. 2017

DRŽAVNA REGULATORNA AGENCIJA ZA
RADIJACIJSKU I NUKLEARNU SIGURNOST



Broj: 04-16-15-951/17
Datum: 28.08.2017